


www.BibleForChildren.org

Matiyu 1



A siki wonta shida, Mirikisi saka meleku seni ma Gebire ta Nazare, a totolo geri ni Galili, ta anya yaa mase de puari nse minji ba de su yi anikowori de sua yi amere seni yi ma Yusupu, ni gizi Dowuda. Seni ni yaa mase ni ma Meremu.




Sede Meleku Mirikisi gye yi nkye,
<<Kede ki zi womba, Meremu, ki
samu aniyeri anya Mirikisi. Ka yi
siki de ka yapu yaa minzi, ka sa yi
seni Yesu. Yaama tolense sua
sukwa yi Yaa nsu de man
girima. Obagizi Mirikisi yaa
beyi kingbolo ni Adaa e yi
Dowuda, yaa yi solota gizi ni
Yakubu ni gbogbo; solota yi
mma ya gagaba.>>



Meremu minya Meleku Mirikisi nkye,
<<Yaya na mbo mu yaama yomu,>>
<<Tunde ni puari nseminji ba?>>

Meleku Mirikisi keleba yi
nkye, <<Aworo Nsuseki yaa
sonka a kiya ake, sori ni
nsu de pi girima yaa
ripe ke. Sobon yomu
Yaa nsuseki de sua
yapu yi mu sua
sukwa yi nkye
Yaa Mirikisi.>>



A kwanki ni Meremu yi shiri; seseberi te a
geri de ma ogbo ni Yawudiya, Anya ni de e
yuru a gizi ni Zakariya e geshe Elisabatu.


De Elisabatu zi gesuwa ni
Meremu se yaa yi moshi
asikye yi, se Alisabatu
sika ni Aworo nsuseki.
Elisabatu yi kuruwa ni
totolo murinya
nkye: <<Ki ma nsu
anabirika la a siki
mata, yaa de ka
yapu ema nsu

anabirika na!>>




Yomuna su yapu Yesu kiristi. Kwanki de Yusupu mase sari yi Meremu amaa ni Yesu, tunde e abenshi a gizi yi woba, na ema a siki butu anya Aworo Nsuseki.

Yusupu minzi sari yi ema nse gangasi, sede yaa bila de beyi kumnya a geba ntani ba, yaa bila de e shika yi a boyi.



De ema kiya tunani mu, meleku ni Mirikisi gye Yusupu a siki nansi, nkye, <<Yusupu yaa ni Dowuda, kede ki zi womba ni la Meremu de ema mata ke, nkaa siki de e manshi butu anya ni Aworo Mirikisi la. Yaa yapu Yaa, yaa beyi seni Yesu, sobon e shiya yaa sila ntani yi dege siki lepi.>>




Anya ni de Yusupu dege a kwana e yi mbode meleku
Mirikisi gye yi anansi nkye, Meremu e shiya ma mata
yi. Sede E taba shina yi ba, kami de e
yapu yaa ni. E sa yi seni Yesu.



A kwanki de Seleki Keisa Agustu e beyi doka nkye su kiriga ntani de su ma kesa Roma. Se konse kuma ta geri e yi de su kiriga yi.




Se Yusupu e shi ma te a geri Nazere a siki Galili ni Yawudiya, ta Batalami geri ni Dowuda, sobon e ma juriya ni Dowuda. Yusupu te anya ni de su kiriga yi nja Meremu mase sari, de su yi anikowori ni




amere nja kiya su, kwanki ni Meremu e man siki yaa bila de yapu yaa.



De su ma a Batalami,
kwanki yi de yaa yapu
Yaa yi, se e yapu yaa yi
ni pari, yaa minji.



E ripe yi ni woriki, e la yi kwakwana a mbode sua ba
daba mbosi a siki yi, sobon su samu laki de
sua sonka a siki yi ba.



Anya ni worosu nsu kiwo su ma pili kusa ni anya ni, sua kpanku timshiya asu ndederi. Se meleku ni Mirikisi zo anya asu, se girima ni Obagizi yi asikye gyewe su, se su zi womba soseyi.



Sede meleku Mirikisi gye su nkye, <<Kede ku zi womba.
Ni keyi ku nabari kyakyawu ni totolo perisiki anya ni
ntani guru. Yawu a siki geri ni

Dowuda su yapu nsu sila

ku; e ma
Kiristi
Obagizi.>>



<<Da mu e shiya ma alama ba ku: Kwa san yaa dende su lende yi ni keyi su leyi kwakwana a kiya mbode sua baa daba mbosi.>>



Dandani se kunji shoja ni meleku bisi nyowa butu
nja meleku sua yobo Mirikisi nkye,
<<Girima ta anya Mirikisi de ma siki
bisi, a durinya selema nja



aniyeri ma ba
worede Mirikisi
yaa zi dadi asu>>.




De meleku Mirikisi bila su te a siki bisi, nsu yi kiwo su gye nkyasu, <<Mu te Batalami de mu te geni mbode paru, de Mirikisi yi mu beta a kiya yi.>> Su yi seberi te geni meremu nja Yusupu, ni yaa dende, de kwakwa a kiya anya de sua ba daba mbosi.



De nsu kiwo geni yaa dende ni se su
pala nabari de meleku Mirikisi gye su a
kiya ni yaa mu, guru nsu worede zi su yi
mamanki ni mbode nsu kiwo gye su.



Kwanki de su yapu
Yesu a kesa
batalami ni
Yawudiya, de Yiridu,
e ma Seleki,
nsu worede



shina kemu butu ni anse su zo a
Wurishelima su nkye <<Seleki
Yawudawa de su yapu managa?
Mu geni kemu butu ni anse, mu zo
de mu bowuta yi.>>



Se Yiridu sukwa nsu worede
shina kemu a boyi de e zi
anya su dede kwanki de
kemu butu. E saka su a
batalami, nkye, <<Ku te
de ku minya nkyawu a kiya
ni yaa de su yapu, ku kuma
de ku ka yi ni manki, de eni
ma nte de ni bowuta yi.>>




De su zi beta Seleki, su sigeba ntepiya asu, kemu de su geni anse, e ta ge ba asu e zo sakisi anya de su yapu Yesu.




De su yuru a gizi ni, su geni Yaa ni nja Amaa e yi Meremu, se su dure a geba e yi su bowuta yi. Su bure

Angala, su ba yi kyawuta ni zinari, tularee myrrh. De kwanki yi ni kuma ta geri asu, Su kuman beyi biya turiki ni gagaba, sobon Mirikisi gye su anansi nkye, kede su kuma ta ayan Yiridu gagaba.



De nsu shina kemu kuma
mbeyi, meleku Obagizi zo
ayan Yusupu anansi e gye yi
nkye, <<Dege a bisi! De ki la
Yaa dende nja Amaa yi, de
ku ta kesa Masa. Seni
gye ku tuku de ku kuma
mbeyi, sobon Yiridu
yabila de e kisa Yaa
de su yapu




mu.>>




Yusupu dege a bisi, e la Yaa
nja Amaa yi, ndederi su ta
kesa Masa. Ema anya ni ari
Yiridu muntu. Da mu e sika
mbo de Anebi pala butu
ayan Obagizi: <<Ni
sukwa Yaa na butu
a kesa Masa.>>



De Yiridu geni nsu worede
shina kemu su kuma zo ba,
su leyi e ma kankye e shina
mbode yaa yi ba anya ni
dishiya yi dege.



E saka manki nkye su kisa yaya dende de su yapu ashekera bi ko daa de e kasa shekera bi, a kesa batalami nja geri de mala nsu, sobon nsu shina kemu pala nkye su geni kemu shekera bi de bise a beyi.






Kwanki de Yiridu muntu,
Meleku Obagizi zo ayan
Yusupu anansi a kesa Masa
e gye nkye nkye, <<Dege a
bisi, de ki la yaa nja Amaa e
yi de ki ta kesa Izireyila,
nsu worede sua bila de
su kisa su muntu.>>



De Yusupu zi nkye seleki ma yaa ni Yiridu ni kesa
Yawudiya, de seni yi
ema Arikilayus yi
womba ni te anya ni,
dun su gila yi
anansi,




se kuma ta gunduma
ni Galili, anya ni Yusupu te zunwa a
geri de sua sukwa yi Nazare. Dun e
sika beta de Anebi su pala nkye:
<<Sua sukwa yi Yesu ni Nazare.>>



Sobon so de Mirikisi yi ntani durinya
mu ari e beyi Yaa yi ndandaa, sobon
guru nsude yeda nja shi yaa muntu
ba sede yaa mani leyi ni gbogbo.



36



60



Roman 3:23

Konwawa yi lepi nja mu yi nisa dereja Mirikisi,

Roman 6:23

Sobon nani wuta ni lepi e shiya ma muntu; sede
kyawuta ni Mirikisi e shiya ma leyi ni gbogbo
a siki Kiristi Yesu Obagizi mu.

Abi 9:27

Konse e ma dole na e muntu sen daa, a beyi
nsum Mirikisi yaa yi shiriya,



Apisawa 2:8,9

Sobon ta anya aniyeri la mu samu sila, te anya beigaskye, da mu ma yi aku naba, sede kyawuta ni Mirikisi, ba sobon ni ANKI kyakyawu de mu yi naba, de kede nseda dege dolo.

Roman 10:9,10

Nde ki pala mbaki ke nkye, Yesu e ma Obagizi la, ki kwa beigaskye a siki dishiya ke nkye Mirikisi dege yi a kumsha, Mirikisi yaa sila nke. Sobon dege siki dishiya nsebeki yaa beigaskye de yi zunwa mere lepi a geba Mirikisi, ni baki la nsebeki yaa beyi sheeda de e samu sila.



Joni 3:16,17

Sobon so de Mirikisi yi ntani durinya mu ari e beyi Yaa yi ndandaa, sobon guru nsude yeda nja shi yaa muntu ba sede yaa mani leyi ni gbogbo. Mirikisi saka Yaa yi a durinya ba de e yi ntani durinya shiriya naba, sede e sila ntani durinya.

1 Joni 5:11-13

Osu na e ma sheeda nkye: Mirikisi ba mu leyi ni gbogbo, leyi mu e ma a siki Yaa e yi na. Du nsude man Yaa e man leyi; du nsu de man Yaa ni Mirikisi ba e man leyi ba. Ni rubuta ku mbo worosu mu oku de ku yeda ni seni Yaa ni Mirikisi de ku shina nkye ku ma ni leyi ni dindindin.



Matiyu 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Gwandara NT (gwn) The Word for the World International
and The Word for the World Nigeria

<https://www.bible.com/bible/4458/MAT.1.GAA>

©2026 Bible for Children, Inc.

www.M1914.org

www.bibleforchildren.org

